

A VICERREITORÍA DE IGUALDADE E DIVERSIDADE ABRE O SEGUNDO PRAZO DE SOLICITUDE DE ADAPTACIÓNS PARA NOVO ALUMNADO CON NECESIDADES DE APOIO ESPECÍFICAS

1. SOLICITANTES

Poderá solicitar as adaptacións todo o alumnado matriculado, ou que se vaia matricular no curso 24/25, e que teña calquera tipo de necesidade de apoio específico, recoñecido algún grao de discapacidade ou calquera situación en que se precise apoio e acompañamento, para o cal achegará informes médicos, psicolóxicos e/ou psicopedagóxicos, dependendo do caso, co fin de podermos valorar o tipo de adaptacións.

2. VALORACIÓN

As solicitudes de adaptacións para novo alumnado da UDC que teña necesidades de apoio específico serán valoradas polo equipo técnico da Unidade de Atención á Diversidade con base na seguinte documentación:

- Solicitud de servizos asinada (obrigatorio, pódese descargar na páxina web do ADI).
- Fotocopia do DNI.
- Fotocopia do documento oficial en que se recolle o tipo e grao de discapacidade da persoa solicitante (no caso de estudantes con dislexia, TDAH ou dificultades de aprendizaxe que non teñan asociado un recoñecemento do grao de discapacidade, deben achegar todos os informes médicos, psicolóxicos e/ou psicopedagóxicos que posúan para poder valorar as adaptacións).
- Fotocopia da matrícula para o ano 2024/2025 (no caso de non tela no momento da solicitude, poderá achegarse con posterioridade).

- Fotocopia dos horarios das materias en que se vai matricular no ano 2024/2025 (no caso de non telos no momento da solicitude, poderá achegarse con posterioridade).
- Fotocopia da declaración da renda do último ano (só no caso de que se precisen servizos de transporte adaptado, asistencia persoal ou ILSE).

3. PRESENTACIÓN DE SOLICITUDES

Para a presentación de solicitudes é preciso reservar unha cita, en liña ou presencial, na Unidade de Atención á Diversidade a través do seguinte formulario:

<https://outlook.office365.com/book/UnidadedeAtencionDiversidade@udcgal.onmicrosoft.com/>

É obrigatorio acudir á cita coa documentación mencionada anteriormente, así como a solicitude de servizos cuberta e asinada.

4. PRAZO DE PRESENTACIÓN

O segundo prazo de solicitude de adaptacións para alumnado con necesidades de apoio específico **vai desde o 5 de agosto ao 10 de setembro de 2024.**

5. PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos, RXPD), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), infórmase de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), cuxos datos de contacto son: rúa da Mestranza 9, 15001 A Coruña, teléfono 981 167 000.

O tratamento destes datos persoais está lexitimado con base no artigo 6.1.a) do RXPD: consentimento da persoa interesada; tamén para as categorías

especiais de datos, no artigo 6.1.e) do RXPDP: cumprimento dunha misión en interese público, neste caso con base na Lei 4/2023, de 28 de febreiro, para a igualdade real e efectiva das persoas trans e para a garantía dos dereitos das persoas LGTBI. Todas as persoas que entren en contacto con estes datos coa citada finalidade cumprirán o deber de confidencialidade establecido no artigo 5 LOPD. Estes datos trátanse durante o tempo imprescindible para cumprir coa citada finalidade, sen prexuízo da súa conservación en relación coa posible esixencia de responsabilidades legais.

A persoa interesada ten dereito a solicitar ao responsable do tratamento, en calquera momento, o acceso, a rectificación ou a supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Estes dereitos poderaos exercer da seguinte maneira:

- a) Prioritariamente, a través do formulario para o exercicio dos dereitos en materia de protección de datos persoais, que figura na Sede Electrónica da UDC, no apartado “Outros trámites”.
- b) Mediante unha solicitude por escrito á persoa responsable do tratamento dos datos (UDC, Secretaría Xeral), dirixida ben ao enderezo Secretaría Xeral, Reitoría da Universidade da Coruña, rúa da Mestranza 9, 15001 A Coruña; ben ao correo electrónico secretariaxeral@udc.gal. Tamén se poderá presentar esta solicitude a través do rexistro telemático da Sede Electrónica da UDC ou nos rexistros presenciais da UDC.
- c) Mediante unha solicitude por escrito dirixida á persoa delegada de Protección de Datos, ben ao mesmo enderezo postal anteriormente indicado, ou ben ao correo dpd@udc.gal. Tamén se poderá presentar esta solicitude a través do rexistro telemático da citada sede electrónica ou dos rexistros presenciais da UDC. Así mesmo, ten dereito a presentar unha reclamación ante a Axencia Española de Protección de Datos (AEPD).